

7

DISSERTATIO ACADEMICA,
DE MOTU CORPORUM LIBERO
IN MEDIO RESISTENTE;

CUJUS PARTEM QUARTAM,
VENIA AMPLISS. FACULTATIS PHILOSOPH.
IN IMPERIALI ACADEMIA ABOËNSI,

PUBLICO EXAMINI MODESTE SUBJICIUNT

Mag. NATHAN. GERH. AF SCHULTÉN,
Docens in Mathesi Applicata,

&c.

CAROLUS UDALRICUS SWAHN,
Stip. Publ. Borea-Fenno.

In Audit. Phil. die XIX Aprilis MDCCCXVII.

h. a. m. s.

ABOÆ, Typis FRENCKELLIANIS.

• WATSON'S LIBRARY

• MURRAY'S LIBRARY

• HENRY'S LIBRARY

• BRADSTREET LIBRARY

Veloc. in directione το $x = dx \cdot \sqrt{-\frac{P}{d^2y}}$;

Veloc. in directione το $y = \pm dy \cdot \sqrt{-\frac{P}{d^2y}}$; &c.

absque difficultate resolvi posse, liquet; sufficietque omnino ad rem bene illustrandam sequens, quod adferendum ducimus,

Exemp.: Positā resistentiā $R = \alpha Dv^m$ (ubi α , D & m cognitae sunt quantitates), detur utique motus corporis progressivus in directione determinata abscissæ x ; quæruntur natura curvæ descriptæ visque absoluta P ? Sit quidem data, in directione ipsius x , velocitas (quam functionis instar abscissæ x heic considerabimus) $= v'$; habebitur:

$$R = \frac{1}{2} dq \cdot d \cdot \left(\frac{P}{d^2y} \right) = \frac{1}{2} dq \cdot d \cdot \left(-\frac{v'^2}{dx^2} \right) = -\frac{v' dv' \cdot dq}{dx^2};$$

$$v = \frac{v' dq}{dx}; \quad \text{hincque:}$$

$$-\frac{v' dv' \cdot dq}{dx^2} = \frac{\alpha Dv'^m dq^m}{dx^m},$$

$$dq^2 = dx^2 + dy^2 = \left(-\frac{dv' \cdot dx^m - 2}{\alpha Dv'^{m-1}} \right)^{\frac{2}{m-1}},$$

$$dy = \pm dx \cdot \sqrt{\left(-\frac{dv'}{\alpha Dv'^{m-1} dx} \right)^{\frac{2}{m-1}}} \quad ;$$

qua

qua in æquatione separatæ sunt variabiles x & y , si densitas data D ex ordinatâ y non pendeat. Datâ autem trajectoriæ æquatione, potentiam absolutam, formulâ:

$$P = - \frac{v'^2 \cdot d^2 y}{dx^2},$$

facile determinari posse, evidens est.

Quod si $m = 1$, æquatio allata x inter & y nihil nos docebit; prodire autem hoc in casu apparet:

$$\frac{dv'}{dx} = - \alpha D;$$

unde, positâ, uti nuper, D functione tantum ipsius x , fiet:

$$v' = C - \alpha \int D dx;$$

quâ quidem formulâ perspicuum est, quantitatem v' , in præsenti hypothesi, determinatam omnino esse abscissæ functionem, neque pro lubitu assumi posse; ideoque problema, de quo jam agitur, in hoc casu speciali, proponendum non esse.

Ceterum, observatu facile est, æquationem:

$$R = - \frac{v' dv' \cdot dq}{dx^2},$$

in genere monstrare, motum in directione ipsius x , in præsenti vis absolutæ hypothesi, (resistente

re-

revera medio), neque uniformem umquam esse posse, neque acceleratum, sed necessario retardatum haberi.

Allatæ supra æquationis (18) ad casum $D=0$ applicationem, memoratu quidem dignam, hoc loco non prætermittimus. Observandum igitur, hac in hypothesi, (cum $dq = 0$ poni nequeat) esse:

$$d \cdot \left(\frac{P}{d^2 y} \right) = 0, \text{ &, integrando: } \frac{P}{d^2 y} = \frac{C}{dx^2}.$$

Determinetur constans C ($= -\frac{Pdq^2}{d^2 y} \cdot -\frac{dx^2}{dq^2}$)
 $= -c^2 n^2$; eritque:

$$-\frac{c^2 n^2 \cdot d^2 y}{dx^2} = -P;$$

quæ quidem æquatio, in quibusdam casibus separationem variabilium admittens, eâ heic hypothesi consideranda, qua potentia sollicitans P functio habeatur solius y .

Multiplicatâ, hoc in casu, æquatione per dy , & institutâ integratione, habebitur:

$$-\frac{c^2 n^2 \cdot dy^2}{2 dx^2} = C' - \int P dy = C' - f(y);$$

G 2

hinc-

hincque:

$$\frac{c^2 n^2 \cdot m^2}{2 n^2} = C - f(o);$$

quas inter æquationes exterminatâ constante arbitriâ, &c., prodibit tandem:

$$dx = \frac{\pm cn \cdot dy}{\sqrt{c^2 m^2 + 2 \cdot f(o) - 2 \cdot f(y)}};$$

tractanda facile æquatio, in casu quolibet particulari.

Velocitatem quidem atque tempus, in praesente casu, formulis sequentibus determinari videas:

$$u^2 \left(= - \frac{P dq^2}{cdy} \right) = \frac{c^2 n^2 \cdot dq^2}{dx^2} = c^2 + 2 \cdot f(o) - 2 \cdot f(y),$$

$$t \left(= \int \sqrt{- \frac{dy}{P}} \right) = \int \frac{dx}{cn} = \frac{x}{cn} + \text{Const.};$$

undè, præter alia, colligere possumus, motum in directione $\tau \theta x$, in ea, de qua jam agitur, hypothesi, necessario uniformem esse.

Exemp.: Positâ $P =$ quantitatî constanti g ; quæritur trajectoria corporis in vacuo descripta? Erit jam $f(y) = gy$; unde fiet:

$x =$

$$x = \int \frac{\pm cn \cdot dy}{\sqrt{c^2 m^2 - 2gy}} = Const. \mp \frac{cn}{g} \cdot \sqrt{c^2 m^2 - 2gy};$$

hincque:

$$o = Const. \mp \frac{cn}{g} \cdot \sqrt{c^2 m^2};$$

quam quidem æquationem de præcedente demendo, &c., habebis tandem:

$$x^2 \mp \frac{2 c^2 m n}{g} \cdot x + \frac{2 c^2 n^2}{g} \cdot y = o,$$

quæ quidem manifesto *Parabolam* designat *Apollianam*, cuius axis lineæ abscissarum normalis, atque Parameter $= \frac{2 c^2 n^2}{g}$: quâque in æquatione signum tantum adhiberi posse superius, nobis vel non monentibus, apparet.

§. IX.

Motus corporum planos tractantes, casum eorum simplicissimum, non vero negligendum, motus scilicet *rectilineos*, breviter quoque attingantis, necesse est. Observabimus igitur, in §. præcedente, unam quidem potentiarum absolutarum *L* & *M*, in plano abscissarum *ABC* (vide fig.) agentium, $= o$ positam fuisse; velocitatem vero quamdam initialem:

tialem in directione vis evanescentis, assumtam simul fuisse. Motus vero rectilineos in genere definiturus, non solum quantitatum L, M alterutram æqualem nihilo accipias: omnem quoque in directione vis illius, quæ evanuit, motum insitum tollas, projectile nimirum in directione ipsâ vis non evanescentis, ex. gr. τε L , impellendo.

Habentur igitur, hoc in casu:

$$y = o, \quad dy = o, \quad d^2y = o;$$

unde prodit adeo $dq = dx$, nec non:

$$v^2 \left(= \frac{(L dy - M dx) dq^2}{dy \cdot d^2x - dx \cdot d^2y} \right) = \frac{o}{o};$$

quæ forma quidem indeterminata omnino est, nihilque nos docet. Allata igitur supra æquatio (III), naturam trajectoriae in plano descriptæ in genere definiens, in præsente jam casu, ad motum illustrandum nihil conferet, nisi, pro valore ipsius v nuper citato, ipsam quidem substitui quantitatem v ponamus: unde habebitur æquatio:

$$\varphi(D, v) = L - \frac{d \cdot v^2}{2 dx} = L - \frac{vdv}{dx} \quad \dots \quad (IV);$$

quæ quidem, designantibus D & L datas quascumque

que ipsius x functiones, relationem x inter & v ;
hoc in casu, exponit; adeoque, cum ipsa:

$$\frac{dt}{dt} \left(= \frac{dq}{v} \right) = \frac{dx}{v},$$

conjuncta, omnia, quae ad motum spectant corporis secundum AB progradientis, comprehendit.

In hypothesi vero $D = o$, eamdem (IV) in hanc:

$$L = \frac{v dv}{dx} \quad . \quad (IV),$$

abire patet: qua igitur æquatione motus in vacuo rectilinei in genere definitur.

Præcipuus quidem casus, quo separationem variabilium admittat æquatio nostra (IV), se offerat, quando $R = \alpha D v^2$: quo quidem, denotantibus D & L functiones quascumque, habebitur:

$$\alpha D v^2 dx + v dv = L dx;$$

quā utique æquatione per $(_2 e^{f_2 \alpha D dx})$ multiplicatā, institutāque integratione, prodibit:

$$v^2 \cdot e^{f_2 \alpha D dx} = \int_e f_2 \alpha D dx \cdot _2 L dx + Const.,$$

ubi separatas omnino x atque v videmus. Missis autem aliis, quibus integrari possit hæc æquatio,

hy-

hypothesibus, ad casum tantum utilissimum, quo
densitas D constans, atque vis quoque absoluta
 $L = \text{constanti } g$, paullisper subsistamus: qua uti-
que hypothesi, æquatio nuperime allata facile
præbebit:

$$v = \frac{g \cdot e^{2\alpha D x} + C}{\alpha D \cdot e^{2\alpha D x}} = \frac{g \cdot e^{2\alpha D x} + \alpha D c^2 - g}{\alpha D \cdot e^{2\alpha D x}} \quad (20)$$

accipiendo scilicet $v = c$, quando $x = 0$; hincque:

$$\begin{aligned} t &= \int \frac{\sqrt{\alpha D} \cdot e^{\alpha D x} dx}{\sqrt{g \cdot e^{2\alpha D x} + \alpha D c^2 - g}}, \\ &= \frac{1}{\sqrt{\alpha D g}} \cdot \text{Log.} \left(\sqrt{g \cdot e^{2\alpha D x}} + \sqrt{g \cdot e^{2\alpha D x} + \alpha D c^2 - g} \right) + \text{Const.}, \\ &= \frac{1}{\sqrt{\alpha D g}} \cdot \text{Log.} \left(\frac{\sqrt{g \cdot e^{2\alpha D x}} + \sqrt{g \cdot e^{2\alpha D x} + \alpha D c^2 - g}}{\sqrt{g} + \sqrt{\alpha D c^2}} \right) \quad (21), \end{aligned}$$

adhibitâ quidem, in integrando, substitutione:
 $e^{\alpha D x} = s$, determinatâque dein constante arbitra-
riâ adeo, ut evanescant simul x atque t .

Quod si

Quod si g autem negativa habeatur, prodi-
bit utique:

$$t = \frac{1}{\sqrt{\alpha Dg}} \cdot \text{Arc. Sin.} \left(\frac{\sqrt{g + e^{2\alpha Dx}}}{\sqrt{\alpha Dc^2 + g}} \right) + \text{Const.},$$

$$= \frac{1}{\sqrt{\alpha Dg}} \cdot \text{Arc. Sin.} \left(\frac{\sqrt{\alpha Dc^2} \cdot \sqrt{g \cdot e^{2\alpha Dx}} - \sqrt{g \cdot \sqrt{\alpha Dc^2 + g - g \cdot e^{2\alpha Dx}}}}{\alpha Dc^2 + g} \right),$$

determinatā quidem, uti nuper, constante arbi-
trariā.

In æquatione ipsâ (IV') separatas statim vi-
demus variabiles, unde ejus quidem tractatio ma-
gnis non prematur difficultatibus. Hypothesin igi-
tur tantum simplicissimam maximique usûs, quan-
do L constans sit, seu $= g$, memorasse juvabit;
quà scil. habebitur:

$v dv = g dx$, hincque: $v^2 = 2gx + C = 2gx + c^2..$ (22),
nec non:

$$t = \int \frac{dx}{\sqrt{2gx + c^2}} = \frac{\sqrt{2gx + c^2}}{g} + C' = \frac{\sqrt{2gx + c^2} - c}{g} .. (23);$$

determinatis scilicet eodem, quo antea, modo con-
stantibus C & C' .

§. X.

Expositis jam præcipuis, quæ Mathematicas spectent disquisitiones de motibus corporum liberi-
ris, per potentias allati supra generis determina-
tis, observationes adhuc quædam adjiciendæ vi-
dentur, quibus tam uberior adfundatur lux hypo-
thesi, qua heic motus corporum considerare vi-
sum fuit, quam via quoque applicationi cuidam
eorum, quæ hactenus tradita sunt, sterni possit.

Notandum igitur ante omnia, nos heic quidem *corpora*, non puncta (quæ plerumque considerant Auctores), mota posuisse, quo superficies quædam, in quam ipsum ageret medium, projectili tribui posset: hoc vero assumto, ut erroneæ omnes vitentur notiones, observari convenit:

1:o. Arbitrio nostro quodammodo permitti, in quibusnam punctis corporis moti suis in directionibus agentes censeantur vires motrices absolutæ, ipsas *L*, *M* & *N* efficientes (quas quidem potentias motrices per *Lm*, *Mm* & *Nm* definitas videbis, positâ massâ corporis moti = *m*): quantitatibus tamen harum virium (si variabiles fuerint) ex ipso loco centri corporis inertiae unice pendentibus.

2:o. Densitatem medii, pro unoquoque punto superficie corporis medium impellentis, eamdem omnino haberi, pendente tamen ejus quantitate ab-

absoluta (si mutabilis scil. assumatur) ex ipso loco
centri inertiae corporis moti.

3:o. Superficiem projectilis ipsi motus plagæ
adversam, ejus utique indolis haberi, ut directio
totius, quæ ob motum suum a medio urgeatur
corpus, vis, cum ipsa motus centri inertiae direc-
tione coincidat, sive ei saltem sit parallela.

4:o. Corporis, de quo agitur, eum tantum circa
centrum inertiae assumptum esse motum, quo forsitan
opus erit, ut eadem semper superficies ipsi
motus plagæ advertatur (quem tamen motum no-
væ cujusdam, quæ a medio prematur corpus, vis
haberi caussam, heic non ponendum); cujus qui-
dem motus gyrorii caussa examinanda hoc loco
non est, sufficiatque omnino nobis, hujusmodi
motum necessario heic esse accipiendum.

5:o. In præcedentibus igitur motum tantum
centri corporis inertiae consideratum esse, cui quidem
centro soli, per theoriam motus corporum
finitæ magnitudinis, vires omnes adhibitæ L , M ,
 N , R suis in directionibus applicatae existimari
possunt.

§. XI.

Quibus quidem præmissis de hypothesi mo-
tuum heic consideratorum observationibus genera-

H 2 libus,

libus, ad usum jam quemdam præcedentium parandum, adcuratiorem adeo *functionis* & *determinationem*, qualem experimenta probatissima postulare videntur, proponere paucis non pigebit. In hoc vero præcipuum deprehendimus rei nodum, cum non tantum diversa superficierum ratio, medium impellentium, arduas valde hasce reddant disquisitiones, sed ipse quoque casus simplicissimus, quo resistentia quæritur plani ad directiōnem motū perpendicularis (directam vocant resistentiam), pro planis ferientibus vel celeritatibus valde inter se diversis, non contemnendis adhuc difficultatibus prematur: unde theoriam quidem in sequentibus breviter exponendam, pro corporibus motis velocitatibusque non valde parvis vel magnis (de quibus scilicet solis certi quid experimenta docere possunt), valere, ab initio statim monendum est.

Quod si igitur, ante omnia, caussas resistentiæ medii *indefiniti* (quod heic tantum consideramus) perpendere velimus, eas utique plures omnino haberi, perspicuum est. Posito scilicet ipso medio a nullis sollicitato potentiis, corpori tamen moto resistat idem necesse est, partim inertiam particularum, quibus motus a corpore imprimi debet, partim frictione medium inter atque corpus, ex eorum inter se percussione, oriundâ, partim que

que tenacitate, sive mutuâ particularum a corpore separandarum cohæsione, (quibus quidem resistentiae caussis ipsam quoque medii ad superficiem corporis adhæsionem adjungere solent): quod si autem potentiarum vi premi ponamus medium, ad allatos jam resistantiae fontes addenda est immutatio pressionis medii hydrostaticæ, ex motu corporis oriunda, ipsaque frictio medium inter atque superficiem corporis, ex memoratâ pressione hydrostaticâ, proveniens. Valeant utique hæc de mediis *non compressilibus*: de *compressilibus* in genere notandum, ad anticas corporis moti partes eadem condensari, ad posticas vero dilatari, idque eo magis, quo obtusiores hæ habeantur partes, motusque celerior; quâ utique ratione vel solâ concludi posset, medii compressibilis sive elastici majorem esse resistantiam, quam non elasticí, ejusdem densitatis, nullisque ceteroquin viribus sollicitati: quod quidem experientiâ quoque confirmatur. Inter memoratas nuper resistantiæ caussas, ad vim inertiae medii, frictionemque ex mutuâ medii atque corporis percussione oriundam, hoc loco præcipue attendisse liceat, idque vel eâ ratione, quod haud videatur dubium, reliquarum resistantiæ caussarum magnum plerumque non esse effectum: resistantia scilicet ex tenacitate oriens, nisi pro mediis glutinosis, seu velocitatibus massisque motis valde parvis, non erit sensibilis, ceteræque caussæ, teste

ex-

experienciā, pro magnā tantum medii pressione atque corporibus grandibus, vel crescentibus admodum velocitatibus, majoris habentur momenti. Quod si igitur ex principiis duobus memoratis accurate profluerent formulæ proponendæ (quod tam in re tam intricatā ne exspectari quidem potest), pro mediis elasticis potentiarumve vi sollicitatis, augenda necessario esse resultata nostra, idque eo magis, quo major habeatur velocitas, perspectu facile est.

Ut debito jam ordine progrediamur, resistētia ipsa *directa* primum consideranda, quam quidem revera ex inertiā tantum medii pendentem ponemus, cum frictio memorata ex percussione proveniens, nullum, vel valde saltem exiguum, ad retardandum corporis motum, præstare jam possit effectum: unde observandum est, hujusmodi resistētiæ vim, testibus experimentis adcuratis, optimè definiri per *pondus columnæ medii*, cuius basis est *planum directe feriens*, cuiusque altitudo illa est, per quam corpus in vacuo cadens, velocitatem motū in medio adquireret: quod quidem utilissimum principium hydrodynamicum fundamenti instar totius de resistētiā fluidorum doctrinæ, habendum vere est. Allatæ nuper regulæ demonstrationem quamdam heic adferendi non est locus: ostendendum tantum, quomodo ad inveniendam hoc in casu

casu quantitatem R , in præcedentibus adhibitam, applicari eadem queat. Positis igitur D & v , ut antea, = densitati medii atque velocitati corporis, nec non l = areæ plani directe impingentis, atque (quod in omnibus quoque quæ sequantur valeat) m = massæ ipsius corporis, in medio moti; patet utique facile, per postulatum nuper memoratum, prodire:

$$R = \frac{Dlv^2}{2m} \quad \dots \quad (\alpha).$$

Determinata autem sic adcurate satis resistentiæ directæ, difficultatibus multo adhuc majoribus rem premi videbimus, si obliquam considerare planorum resistentiam, hincque etiam ad resistentiam superficierum curvarum investigandam transire, velimus.

Quod si solam adhuc inertiam medii resistentiæ caussam assumi placeat, per allata nuper difficile quidem non eruetur expressio resistentiæ corporis, cuius superficies motûs plagæ adversa binis constituitur planis similibus atque æqualibus, eoque inter se modo dispositis, ut, latis iis circa communem intersectionem tamquam axem immobilem, alterum alterius locum exacte occupare possit: exstante utique directione motûs corporis ad hanc ipsam intersectionem normali, eademque directione angulum

gulum bina inter plana constitutum bisecante, mo-
toque ceterum corpore eam in plagam, ut citata
planorum intersectio prægrediens quasi censerí pos-
sit. Ponendo nimirum angulum incidentiæ utrius-
que plani (i. e. dimidium anguli inter plana con-
tenti) = u , summamque projectionum orthogra-
phicarum amborum planorum, in plano ad direc-
tionem motū perpendiculari factarum, = p ; de-
terminabimus absque negotio in casu præsente:

$$R = \frac{Dpv^2}{2m} \cdot \sin u^2 \quad \dots \quad (b)$$

Applicatâque hac formulâ directe ad invenien-
dam resistentiam solidi cujuscumque revolutionis,
in directione ipsius axeos, moti (cujus generis su-
perficies curvas heic tantum considerabimus), erue-
mus jam facile:

$$dR = \frac{\pi Dv^2}{m} \cdot \frac{y dy^3}{dz^2} \quad \dots \quad (c)$$

statuendo scilicet, lineam superficiei generatricem
datâ inter coordinatas orthogonales x & y æqua-
tione definitam esse, coincidente quidem linea
ipsarum x cum axe revolutionis; assumendoque,
brevitatis ergo, $dz^2 = dx^2 + dy^2$.

Formulis vero (b) & (c), sic facile erutis, ne
plus justo fidas. Continetur his quidem theoria
illa

illa a NEWTONO jamdum fundata, hactenusque a Mathematicis frequentissime adhibita, per experientia vero adcurate instituta, quibus solis hac in re credendum, manca adeo deprehensa, ut propriis quidem planis atque curvis convexis modo omnino opposito a veritate aberret. Quod quidem minus mirabimur, si consideraverimus, nullam heic omnino habitam fuisse rationem frictionis, ex ipsâ pressione medii ad anticas corporis partes, ortæ; ipsamque etiam formulam (*c*), si vel ad inertiam tantum fluidi attendamus, ideo esse erroneam, quod pressio illa, quâ sollicitetur revera unumquodque superficie curvæ punctum, ex actione sola fluidi, hoc punctum immediate percutientis, pendens assumta sit, nullâ habitâ ratione ad particulas ab aliis superficie partibus oblique affuentes, quæ effectum tamen immediatum necessario diminuent vel augebunt. Longum esset, varia heic memorare summorum sane Geometrarum conata theoriam nuper expositam experientiae convenientiorem efficiendi: pro nostro quidem satis erit instituto, leviter attigisse theoriam, ceteris sine dubio præferendam, quam non multos abhinc annos proposuit Cel. NORDMARK *a)*; cui qui-

I

dem,

a) Sv. Vet. Acad. Handl. 1805, 3 quart.; nec non:

Principes d'une Nouvelle Théorie de la Résistance des fluides, p. Z. NORDMARK, Mémoire qui a remporté un prix du Département Impérial de la Marine de Russie, St. Petersbourg 1808.

dem, ut nobis constat, primo contigit, non solum formulam (*b*), frictionis adhibitā notionē, experimentis satis consentaneam reddere, sed etiam, quod præcipuum fere judicandum est, quæ de corrigendā formulā (*c*) nuper monuimus, recte perpendere, veraque sic, ad computandas resistantias prorarum polygonarum superficierumque curvarum, principia exstruere.

Ut, quæ fieri possit concinnitate, laudatae jam theoriæ mentionem quamdam faciamus, formulam huc spectantem fundamentalem, corollariorum ferracem, primum adferemus, quæ utique resistantia exhibetur corporis, proram habentis polygonam ex quattuor rectangulis compositam, quorum duo quidem, quæ *priora* vocabimus, quæque similia sint & æqualia, parallela invicem quattuor habeant latera, eamdemque omnino inter se & ad motum corporis relationem servent, ac plana illa, quæ memoravimus, æquationem (*b*) spectantia; ceteraque duo, quæ rectangula *posteriora* dicemus, quæque etiam similia sint & æqualia, juncta habeant exacte duo latera latribus duobus rectangularium priorum ab intersectione inter plana horum rectangularium maxime distantibus, eademque omnino latera æqualia habeant memoratis rectangularium priorum lateribus: existentibus ceterum angulis incidentiæ rectangularium posteriorum invicem æqualibus,

bus, cadenteque intersectione inter plana horum rectangulorum ipsam motū plagam versus, ut ita dicam, non vero ad partes contrarias. Sint scilicet jam anguli incidentiæ rectangulorum priorum = u ; posteriorum = w ; summa projectionum orthographicarum rectangulorum priorum, in plano ad directionem motū perpendiculari factarum = q ; summa projectionum orthographicarum rectangulorum posteriorum, in ejusdem generis plano obtinentium = r ; ea quantitatum q & r , quæ minor sit altera (quando inæquales scil. habentur) = s ; tandemque frictio medii inter particulas atque partem quamdam proræ corporis moti = $f\theta s^n$, ubi f quantitas est constans ex indole superficie datae atque medii pendens experimentisque determinanda, θ pressio medii perpendicularis, ex percussione actuali oriunda frictionemque generans, atque s velocitas medii secundum planum, de quo agitur, moti: quibus adeo notatis, definitur utique in casu præsente resistantiæ vis retardatrix formulâ:

$$\begin{aligned}
 R = & \frac{Dv^2}{2m} \cdot (q \cdot \sin u^2 + r \cdot \sin w^2 - \\
 & s \cdot \cos u \cdot \sin w \cdot \sin(u-w)) + \\
 & \frac{Dfv^{n+2}}{2m} \cdot (q \cdot \cos u^{n+1} + r \cdot \cos w^{n+1} - \\
 & \frac{s \cdot \cos u \cdot \cos w^{n+1} \sin(u-w)}{\sin w}) \dots (d).
 \end{aligned}$$

Ex

Ex quā quidem plura duci posse consequētaria videbis. Ponendo scilicet $u = w$, unde prodit causus formulæ (b), observandoque, posse hoc in casu manifesto $q + r$ in quantitatatem generalem supra adhibitam p immutari; habebimus utique jam:

$$R = \frac{Dv^2}{2m} \cdot p \cdot \sin u^2 + \frac{Dfv}{2m} \cdot p \cdot \cos u^{n+1} \dots (e);$$

quæ quidem formula, pro allatâ supra (b), ob actionem frictionis correctâ, haberî potest; atque, positâ $u = x^q$, in ipsam (a) sponte mutatur.

Applicari ceterum quoque potest ipsa (d), ad eruendas formulas a D:o NORDMARK propositas, pro determinandâ resistentiâ curvarum planarum, cylindroidum atque solidorum revolutionis: si observetur tantum, quantitatem $\cos u \cdot \sin(u - w)$, quæ diminutioni pressionis perpendicularis in punctum quoddam rectangularium posteriorum, ex motu fluidi secundum plana priorum orienti, proportionalis est, in formulâ differentiali pro resistentiâ curvæ planæ necessario exprimendam esse per $(\int \frac{dx}{K})$, non vero per $(\frac{dx}{K})$ (designante K radium curvaturæ in puncto curvæ, de quo agitur). Quo quidem notato, facili omnino negotio formula (d) in citatas nuper tres transbit, quartam eam tan-

tum,

tum, quæ solida spectet revolutionis, brevitatis gratia, attulisse heic sufficiat. Observatis scilicet iisdem, quæ pro allatâ supra (c) notavimus, prodibit utique hoc in casu:

$$\begin{aligned} dR = & \frac{\pi Dv^2}{2m} \cdot \left(\frac{2y dy^3}{dz^2} - \frac{y dy^2}{dz} \cdot \int \frac{dx}{K} \right) + \\ & \frac{\pi Dfv^{n+2}}{2m} \left(\frac{2y dy \cdot dx^{n+1}}{dz^{n+1}} - \frac{y dx^{n+1}}{dz^n} \cdot \int \frac{dx}{K} \right) \dots (f); \end{aligned}$$

quæ quidem expressio, pro ipsâ tantum (c) emendatâ, haberi potest.

Ponendo quidem $u < w$ in formulâ (d) (unde superficies in motûs plagam concava habebitur), positivam hanc totam videbis; unde sequitur, mutari omnino resistentiæ valorem, mutato planorum ordine, licet eadem omnino maneant ipsa plana iidemque eorum anguli incidentiæ: quod veritati haberi consentaneum, tam ratiociniis, quam experimentis, facile constat. Valent omnino eadem de formulis theoriæ præcedentis, pro resistentiâ curvarum planarum atque cylindroidum: concavarum scilicet, ob mutatum radii curvaturæ signum, ceteris paribus, resistentiam majorem, convexarumque minorem, uti par quoque omnino est, prodire videmus. Cum theoria vero non solum vulgaris, verum aliae quoque omnes huc usque propositæ,

sitæ, in citatis nuper casibus, resistentiam figuræ convexæ atque concavæ omnino eamdem præbeant, hinc quidem præcipue præstantiam certimus formularum jam allatarum, quæ utique, si vel ceterum omnibus immunes forsan non essent objectib⁹, insignis tamen semper pretii his in disquisitionib⁹ habebuntur.

Quantitates vero quod attinet n atque f , in allatis supra expressionibus occurrentes, experimentorum tantum ope has esse investigandas, patet. In hac autem determinatione quædam adhuc desiderari, fatendum est, antequam certitudine quadam plenâ ad usus praticos accommodari possint formulæ propositæ: quod tamen ipsi theoriæ vicio vertendum non esse, appareat. Quando hanc quidem primum proposuit Cel. NORDMARK, secundum plurima tunc nota experimenta, exponentem $n = 1$ statuit, ostenditque, in hac hypothesi, determinatâque $f = 0,0934442$ (assumto unitatis instar pede Gallico), formulas allatas experimentis adcuratis de resistentiâ corporum aquæ innatantium, a D:is D'ALEMBERT, DE CONDORCET atque BOSSUT institutis β), satis bene consentire. Dein vero re-

cte

β) Nouvelles Expériences sur la Résistance des fluides, par MM. D' ALEMBERT, le Marquis DE CONDORCET & l'Abbé BOSSUT, Paris 1777; atque Mémoires de l'Acad. R. des sciences de Paris, 1778,

cte observavit γ), probabile esse, resistantiam hoc modo computatam, crescentibus aliquanto magis velocitatibus, nimiam esse prodituram; hypothesinque simplicissimam $n=0$, quæ EULERO præcipue placuit, præter alias, considerandam heic proposuit. Quæ cum ita sint, præbenteque memorata nuperrime hypothesi id etiam commodi, ut habeatur resistantia pro corporibus quibuscumque motis, formæ simplicis αDv^2 : non inutilem prorsus operam sumtuos nos speravimus, si posterioris hujus de frictione hypotheseos cum experimentis quibusdam comprobatis institueremus comparationem, quo facilius quidem in posterum hac in re idoneum feratur judicium. Determinavimus igitur ante omnia hoc in casu quantitatem f , formulâ:

$$f = \frac{2 R m - D v^2 \cdot p \cdot \sin u^2}{D v^2 \cdot p \cdot \cos u};$$

utentes hac in investigatione iisdem experimentis 75, 82, 86, 106, 121, 129, 143, 146, 156 atque 166, in *Nouvelles Expériences &c. Chap. II* occurrentibus, quæ, ad eundem obtainendum finem, in hypothesi $n=1$, adhibuit D:s NORDMARK, quæque ad hanc utique disquisitionem idonea videntur. Sumto igitur decem valorum hinc profluentium medio arithmeticò, invenimus tandem:

$$f = 0,2346963, \quad \text{qui}$$

γ) Sv. Vet. Acad. Händl. 1814, p. 1 & seqq.

qui utique valor pro numero absoluto habendus est, ex nullâ unitate speciali, pendente. Valore jam hoc ipsius f adhibito, columnam secundam tabellæ sequentis computavimus, quâ quidem diversâ theoriæ resultata cum experimentis quibusdam Academicorum quos citavimus Gallicorum, comparare visum fuit, pertinentibus utique periculorum undecim prioribus ad Nouv. Exp &c. Chap. II, ceteris vero, ad Mém. de l'Ac. R. des Sc. de Paris 1778.

Exp.	Ang. incid. <i>u</i>	Spatia in ped. Gall. temp. 1'' descr.	Pondus resistentiæ æquivalens, in libr. Gall.			Experim.
			Per theor. vulg.	Hyp. $n = \sigma$	Hyp. $n = \tau$	
83	63° 26' 5"	1,90	6,68	7,55	6,97	6,00
91	45° 0' 0"	2,22	5,72	7,62	6,91	6,00
169	43° 1' 30"	2,53	5,90	8,07	7,50	8,00
97	33° 41' 24"	2,22	3,52	5,76	5,17	5,00
105	26° 33' 54"	2,52	2,95	6,04	5,73	5,00
173	25° 26' 6"	2,65	2,56	5,50	5,36	6,00
113	21° 48' 5"	2,53	2,05	5,29	5,08	5,00
75	14° 2. 10	3,37	0,77	3,76	4,66	5,00
185		3,02	7,53	7,53	7,21	6,00
189		2,50	8,22	8,21	7,79	6,00
194		2,45	10,06	10,05	9,54	8,00
10	84° 0' 0"	2,59	250,55	256,76	251,22	262,50
25	66° 0' 0"	2,80	247,60	275,92	260,44	262,50
35	54° 0' 0"	3,09	236,96	286,90	273,10	262,50
40	48° 0' 0"	3,28	225,00	288,98	280,91	262,50
45	42° 0' 0"	3,49	206,50	286,94	289,56	262,50
55	30° 0' 0"	3,88	142,22	257,85	296,74	262,50
63	18° 0' 0"	3,14	35,76	119,35	135,29	162,50
69	6° 0' 0"	3,20	4,23	94,68	118,78	162,50
70		1,70	73,33	73,25	68,68	62,00
72		2,85	205,30	205,09	195,82	162,50
75		2,36	166,04	173,57	164,63	162,50

Ex quâ quidem tabellâ perspicimus, valorem ipsius f , in hypothesi $n = 0$, supra erutum, pro angulis incidentiæ minoribus, justo esse minorem, pro angulis autem mediis, atque maxime pro superficiebus curvis (quas experimenta spectant 185, 189, 194, 70, 72, 75), justo haberij majorem: unde sequitur, coëfficientis quidem f medium quasi esse valorem, eumque ideo satis recte esse determinatum. Fatendum vero est, videri hinc experimenta illa, quæ jam consideravimus, hypothesi ipsi $n = 0$ minus favere: ipsi salt. m $n = 1$, a NORDMARK adhibitæ, magis congruere censenda sunt. Plenior tamen huic materiei lux, nonnisi repetitis vario modo experimentis in posterum conciliari potest; fietque tunc forsitan valor maxime probabilis ipsius n neque zero neque unitas, sed fractio quædam positiva unitate minor.

Antequam hæc relinquenda, operæ adhuc est pretium vidisse, quænam, in hypothesi $n = 0$, ex valore nuper determinato ipsius f sequatur ratio inter resistentiam Sphæræ atque resistentiam directam circuli ejus maximi, cum in hac tantum hypothesi constans pro diversis velocitatibus hasce inter resistentias ratio obtineat. Observabimus igitur, per formulam (f), prodire hoc in casu facile resistentiam Sphæræ, radio r descriptæ

$$= \frac{\pi r^2 \cdot Dv^2}{2m} \cdot \left(\frac{5}{12} + f \cdot \left(1 - \frac{\pi}{4} \right) \right) = \frac{\pi r^2 \cdot Dv^2}{2m} \cdot 0,4670339;$$

K

per

per formulam autem (a), haberi resistentiam circuli maximi directam.

$$= \frac{\pi r^2 \cdot D v^2}{2 m}$$

unde sequitur, esse resistentiam Sphæræ atque circuli ejus maximi, in ratione 0,4670330 : 1, hoc est 1 : 2, 14 quam proxime; quæ quidem ratio experientiæ videtur proprio r., quam solita 1 : 2, ex formula (c) profluens. Experimenta scilicet a BORDA instituta, ad determinandam resistentiam aëris, rationem dant 1 : 2, 44 δ); quæque a VINCE, cum corporibus sub aquâ demersis, facta fuerunt, rationem præbent 1 : 2, 23 ε: quæ tamen experimenta ulteriori forsitan adhuc confirmatione egere, infinitas non imus.

Ceterum, observandum probe est, coëfficien-tem f , ratione supra adhibitâ, directe per experi-menta de resistentiâ corporum elicítam, ceteras quoque resistentiæ caussas quasi involventem ha-beri: unde hoc quidem respectu, theoria in præ-cedentibus exposita omnes sane resistentiæ cau-sas, notas nobis ignotasve, comprehendere quo-dammodo censi possit.

In

δ) Mém. de l'Acad. R. des Sc. de Paris 1763, p. 369.

ε) Philos. Transact. 1798, p. 6, 7.

In præcedentibus quidem de resistentiâ mediorum observationibus, de partibus tantum corporis moti anticis, sive medium immediate ferientibus, mentionem fecimus; quarum quoque consideratio, hac in materie, absque dubio præcipui est momenti. Docet autem experientia, latera quoque corporis atque caudam, quæ ipsum quidem ictum non accipiunt, aliquantulum ad resistentiam mutandam conferre ζ : in quo tamen effectu ulterius considerando heic non immorabiimur, cum longe adhuc absit, ut theoriâ quadam experimentis consentaneâ recte illustrata sit haec materies, varia que etiam, ut ingenue rem fateamur, Auctorum sententias deprehendamus, an, actione medii in posticas corporis partes, diminuatur revera resistentia in anticas partes, vel augeatur.

§. XII.

Reliquum jam tantum videtur, ut exemplo quodam simplici, quæ hactenus generaliter attulimus, illustrare conemur; quo quidem proposito, quæ adhuc forsitan supersint in præcedentibus applicandis, difficultates omnino tollentur. Conside-

K 2

remus

ζ) Vide v. gr. Nouv. Exp. p. 174; Mém. de l' Ac. R. d. Sc. de Paris 1778, p. 378, 379; Sv. Vet. Acad. Handl. 1795, 2 Quart.; nec non Philos. Transact. 1798, p. 6, 10.

remus igitur ex. gr. sequens periculum, ab HAWKSBEE
ann. 1710 Londini factum ⁿ⁾, quo casum sub di-
liberum globi cavi vitrei, 220 ped. Engl. a quiete
describentis, contemplatus est. Fuit utique dia-
meter globi 5 digit. Engl., ejusque pondus in aëre
483 granor. Roman.; observatumque est, summā,
ut videtur, cura, tempus ipsum descensus = 5'', 2 :
quæritur idem tempus per theoriam? Determina-
tam quidem non invenimus pro hoc experimento
densitatem aëris: ut NEWTONI autem vestigia se-
quamur, assumamus digitum unum cubicum Engl.
0.295 grana Rom. aëris continuisse; ponamusque
etiam grave, cadendo in vacuo, primo minuto
secundo 16, 111 pedes Engl. Londini describere:
quibus quidem positis, omnia jam habemus data
ad calculum instituendum. Cum, pro altitudine
datâ, densitas aëris, multoque magis vis gravita-
tis, absque errore constans accipi possit, adhibenda
jam est formula allata supra (21); quæ quidem, posi-
tâ celeritate initiali $c=0$, in hanc migrat:

$$t = \frac{r}{\sqrt{\alpha Dg}} \cdot \text{Log.} \left(\sqrt{e^{2\alpha Dx}} + \sqrt{e^{2\alpha Dx}} - 1 \right); \text{ hoc est:}$$

$$t = \frac{\alpha Dx + \text{Log.} 2}{\sqrt{\alpha Dg}},$$
si

ⁿ⁾ NEWTONI Phil. Nat. Princ. Math. L. II, Pl. XL, Schol.
Exp. 13,

si fuerit quidem, quod s^æpe accidit, $e^{2\alpha D x}$ numerus adeo magnus, ut absque errore sensibili ponni possit $e^{2\alpha D x} - 1 = e^{2\alpha D x}$

In casu jam occurrente, ad αD investigandam, observabimus, per experimenta quidem videri resistentiam globi, ceteris paribus, paulo minorem dimidio resistentiae directae circuli ejus maximi: cum hoc autem in casu motus in medio fiat elasticus, majorque, ad finem motus, habeatur celeritas, quam quæ solitis in periculis obveniat, a veritate non multo aberrabimus, ponendo resistentiam globi (radii r atque massæ m)

$$= R = \frac{\pi r^2 \cdot Dv^2}{4m} = \frac{3}{16r} \cdot \frac{\frac{4}{3}\pi r^3 \cdot E}{m} \cdot v^2,$$

quæ formula est theoriæ vulgaris. Cum habeatur igitur e præcedentibus globi aërei, diametro 5 digitor. descripti, pondus in vacuo = 19,3 gran., perspicuum utique est, assumto unitatis instar pede Angl., esse jam: $\alpha D = \frac{3}{16} \cdot \frac{24}{5} \cdot \frac{19,3}{483 + 19,3} = \frac{173,7}{5023}$; unde, cum sine errore perceptibili adhiberi heic possit formula $78t$ nuper allata posterior (habetur enim $e^{2\alpha D x} = (2,718\dots)^{15,2156} = 4055565,4$ quam pro-

proxime, qui numerus valde est magnus), prodit utique valor ipsius t quæsitus

$$= \frac{\frac{173,7}{5023} \cdot 220 + 0,6931472}{\sqrt{\frac{173,7}{5023} \cdot \frac{2 \cdot 16,111 \cdot 483}{483 + 19,3}}} = 8'',0194,$$

qui ab observato quidem valore parum omnino differit.

Ceterum, observasse operæ est pretium, celeritatem in casu præsente finalem, adhibitâ formulâ (20), facile inveniri = 29,93 ped. Angl. in 1'' uniformiter descript.; quæ quidem, cum velocitate quæ hoc in casu adquiri possit maximâ, congruens censeri potest.

Prodeunt quidem, in exemplo allato, per formulas (23) atque (22), tempus descensûs in vacuo = 3'', 6953, atque celeritas finalis = 119,07. Differentia hos inter valores atque inventos supra actioni aëris tribuenda est.